



## SMJERNICE I KRITERIJ ZA SARADNJU SA INSTITUCIJOM OMBUDSMENA BiH

### UVOD

Ombudsmen za ljudska prava BiH je nacionalna institucija za ljudska prava uspostavljena sa specifičnim mandatom osiguranja zaštite i promicanja ljudskih prava. Uspostava Institucije je zasnovana na Sporazumu o ljudskim pravima (Aneks 6 Općeg okvirnog sporazuma za mir u BiH) i Zakonu o Ombudsmanu za ljudska prava BiH.<sup>1</sup>

Široko uspostavljen mandat Institucije zahtjeva posjedovanje sposobnosti za obavljanje funkcije monitoringa, savjetovanja i izdavanja preporuka po raznim pitanjima koja se odnose na ljudska prava, ali i uspostavu saradnje sa regionalnim i međunarodnim organizacijama, te promicanje ljudskih prava kroz podizanje svijesti u javnosti i kroz obrazovanje i istraživanja o ljudskim pravima. Kako bi se osigurala realizacija mandata, **jedan od prioriteta Institucije je svakako jačanje odnosa i dijaloga sa nevladinim sektorom**. Institucija ombudsmena za ljudska prava Bosne i Hercegovine u skladu sa ciljevima definiranim u Strategiji Institucije ombudsmena za ljudska prava 2010.-2014. i Platforme za saradnju Institucije ombudsmena za ljudska prava BiH sa nevladinim sektorom raspisala je Javni poziv organizacijama civilnog društva/nevladinim organizacijama za izražavanje interesa za saradnju sa Institucijom ombudsmena BiH iz slijedećih prioriternih oblasti:

1. ***Oblast zaštite ekonomskih i socijalnih prava, posebno ugroženih grupa*** pri čemu je istaknuto pitanje uživanja ljudskih prava osoba sa invaliditetom, djece, žena, manjina i povratničke populacije
2. ***Oblast sprečavanja svih oblika diskriminacije***
3. ***Oblast osiguranja besplatne pravne pomoći***
4. ***Oblast promicanja ljudskih prava kroz podizanje svijesti u javnosti i kroz obrazovanje i istraživanja o ljudskim pravima, sačinjavanja pregleda zakonodavstva sa aspekta njegove usklađenosti sa međunarodnim standardima***
5. ***Oblast slobode pristupa informacijama***
6. ***Oblast monitoringa stanja ljudskih prava osoba u ustanovama kojima je ograničena sloboda kretanja***

**Nakon provođenja procesa selekcije Institucija ombudsmena za ljudska prava BiH sa odabranom OCD/NVO stupa u partnerske odnose i zajedničku implementaciju dogovorenih ciljeva projekta.**

Partnerstvo podrazumijeva zajedničku odgovornost, podršku i savjetodavni proces. Udruživanjem resursa organizacija koje rade u partnerstvu može se postići bolja ekonomičnost, omogućiti inovacije, spriječiti dupliciranje osiguravajući da svaki partner pokriva različite segmente, kao i omogućiti da partneri promoviraju aktivnosti koje su uzajamno komplementarne, te odgovoriti na kompleksne potrebe putem partnerstva relevantnih osoba i organizacija u određenom segmentu u svrhu razmjene informacija i iznalaženja rješenja za složena pitanja.

<sup>1</sup> “Službeni glasnik BiH, br. 32/00, 19/02 i 32/06

Uloge i zadaci predložene saradnje se razlikuju, te ih je potrebno unaprijed konkretno definirati i navesti u prijavi kako bi se izbjegle moguće nesuglasice i/ili preklapanja tokom same implementacije saradnje i zajedničkih aktivnosti.

### **Kriteriji podobnosti**

1. Ciljevi saradnje moraju biti usklađeni sa ciljevima koji su definirani u Strategiji Institucije ombudsmena za ljudska prava 2010.-2014., Platformi za saradnju Institucije ombudsmena za ljudska prava BiH sa nevladinim sektorom i nalazima iz Godišnjeg izvještaja o rezultatima aktivnosti za 2010. godinu za relevantne oblasti.
2. Zajednička saradnja se treba fokusirati na ciljne grupe:
  - a. Osobe s invaliditetom
  - b. Stare osobe
  - c. Manjine
  - d. Žene
  - e. Djecu
  - f. Žrtve diskriminacije
  - g. Korisnike besplatne pravne pomoći
  - h. Osobe kojima je ograničena sloboda kretanja
3. Ponudene aktivnosti i saradnja trebaju biti inovativni i imati potencijal za dalje širenje;

#### **Organizacijski kapaciteti:**

- NVO/OCD bi trebala da zapošljava bar jednu osobu.
- NVO/OCD bi trebala da posjeduje ljudske resurse koji su relevantni za implementaciju zajedničke saradnje.
- NVO/OCD bi trebala da posjeduje materijalne resurse bitne za njen neometan rad (uredske prostorije, oprema i slično).
- NVO/OCD bi trebala da ima relevantno iskustvo u implementaciji projekata iz traženih oblasti

#### **Podnosilac prijave ne smije biti:**

- a. pod stečajem ili pred likvidacijom, niti je ušla u određeni aranžman s vjerovnicima, niti je obustavila niti ograničila poslovne aktivnosti, niti je u analognoj situaciji koja proistječe iz sličnoga postupka u skladu s relevantnim zakonima i propisima u Bosni i Hercegovini;
- b. predmet postupaka za proglašenje stečaja, za izdavanje naloga za prisilnu likvidaciju ili postizanja sporazuma / aranžmana s vjerovnicima, ili bilo kojega drugog sličnog postupka u skladu sa relevantnim zakonima i propisima u Bosni i Hercegovini;
- c. osuđena u sudskome postupku za kršenje zakona u smislu njenog poslovnog ponašanja u razdoblju od pet godina koji je prethodio datumu podnošenja ponude;
- d. proglašena krivom za ozbiljan profesionalni prekršaj od mjerodavnoga suda u razdoblju od pet godina niti taj prekršaj smije prethoditi datumu ponude.

#### **Organizacija podnosilac prijave ne smije imati:**

- a. neizmirenih obaveza u vezi s plaćanjem doprinosa za socijalno osiguranje, u skladu sa relevantnim zakonskim odredbama u Bosni i Hercegovini;
- b. neizmirenih obaveza u vezi s plaćanjem poreza u skladu sa relevantnim zakonskim odredbama u Bosni i Hercegovini.

**Organizacija podnosilac prijave mora biti nevladina organizacija registrirana u relevantnim profesionalnim ili drugim relevantnim registrima Bosne i Hercegovine za obavljanje poslova**

potrebnih za implementiranje ciljeva saradnje s kojim se organizacija prijavljuje u skladu sa Javnim pozivom.

**Organizacija aplikant mora biti ekonomski i finansijski podobna** za implementaciju projekta s kojim se prijavljuje na Javni poziv što dokazuje dostavljanjem bilansa uspjeha:

- a. za posljednju finansijsku godinu

**Organizacija podnosilac prijave mora ispunjavati minimalne zahtjeve u pogledu tehničke, odnosno profesionalne sposobnosti** za implementaciju projekta s kojim se prijavljuje na Javni poziv što se dokazuje

- a. dostavljanjem liste implementiranih projekata, s ukupnim vrijednosnim iznosima;
- b. dostavljanjem osobnih i profesionalnih kvalifikacija (CV) osobe odgovorne za koordinaciju projekta ispred organizacije nosioca projekta;
- c. dostavljanjem izjave organizacije aplikanta o broju uposlenih i broju rukovoditeljskog osoblja sa izjavom o tehničkoj opremljenosti i osposobljenosti i mjerama kojima raspolaže organizacija aplikant za izvršenje konkretnog projekta i osiguranje kvalitete;

### ***Evaluacija podnesenih prijava***

Zaprimljeni prijedlozi saradnje se pregledaju radi tehničke ispravnosti i ocjenjuju od strane Komisije za selekciju prijava (KSP). Komisija za selekciju prijava koristi definirani sistem bodovanja prilikom utvrđivanja liste projekata koje će podržati Institucija ombudsmena za ljudska prava i potpisati Memorandum o saradnji na partnerskim osnovama. Razlozi za selekciju se dokumentuju u zapisnicima Komisije za selekciju projekata i pojedinačnim evaluacijskim formularima za svaki projektni prijedlog i potpisuju ih svi članovi Komisije za selekciju projekata. Konačno odobravanje projekata daju Ombudsmeni BiH.